

J. Hedina
17. X. 65

GS/14B

PARS I

DE ECCLESIA ET VOCATIONE HOMINIS

Caput I

DE HUMANAE PERSONAE DIGNITATE

10. (Impulsionibus Spiritus respondendum) Populus Dei (), in vita omnium hominum intime implicatus (), sciens se a Spiritu Domini duci qui replet orbem terrarum (), in eventibus, postulationibus, optatis, quorum una cum ceteris nostrae aetatis hominibus partem habet, quae nam in illis sint vera signa praesentiae vel consilii Dei discernere () satagit. () Ad tantum munus subeundum omnes vires humanae colligi debent, intellectus et vis inventiva, omnes tum mentis tum cordis facultates, omnes denique scientiae disciplinae (). Fides autem omnia novo lumine () illustrat et divinum propositum de integra hominis vocatione manifestat ideoque mentem versus solutiones plene humanas dirigit.

Ideo Concilium imprimis illos "valores", qui hodie maxime aestimantur, sub hoc lumine diiudicare et quomodo ad fontem suum divinum referantur ostendere intendit. Quid Ecclesia de homine cogitet explanabit (cap.I). Deinde normas aliquas directivas inculcabit, quarum observantia in societate hodierna ei speciatim necessaria videtur (cap.II). () Significationem ultimam humanae operae in universo mundo illustrabit (cap. III). Exinde insertio populi Dei in genus humanum, servitium quod ambo sibi mutuo praestent, et tandem indoles religiosa et consequenter summe humana missionis Ecclesiae in mundo hodierno luculentius apparebunt (cap.IV).

11. (De homine ad imaginem Dei). Secundum credentium et non credentium fere concordem sententiam, omnia huius mundi ad hominem, tanquam ad centrum suum et culmen, ordinanda sunt.

Quid vero est homo? Multas opiniones de seipso protulit et profert, varias et etiam contrarias, quibus saepe vel se tanquam absolutam regulam nimis exaltat, vel se usque ad desperationem deprimit sic haerens in dubitatione et anxietate. Quas quidem difficultates sentiens, Ecclesia a Deo revelante instructa responsum offerre potest, quo vera hominis conditio delineatur, eius infirmitates et defectus explanantur, simulque eius dignitas et vocatio recte agnosci possunt.

Sacrae enim Litterae docent hominem "ad imaginem Dei" creatum esse, capacem cognoscendi et amandi suum Creatorem, super omnes creaturas visibiles ab eo constitutum tanquam dominum (1), qui eas intelligeret et regeret, eis ad serviendum Deum uteretur (2), et per eas sese ad Principium et Finem suum supremum dirigeret. "Quid est homo", ita ait Psalmista, "quod memor es eius? aut filius hominis, quoniam visitas eum? Minuisti eum paulo minus ab angelis, gloria et honore coronasti eum, et constituisti eum super opera manuum tuarum. Omnia subiecisti sub pedibus eius" (Ps.8,5-7).

Deus vero non creavit hominem solum. Inde a primordiis "masculum et feminam creavit eos" (Gen.1,27). Quae consociatio viri ac mulieris primam formam efficit communionis personarum, ad stirpem humanam propagandam instituta, et ad socio-

no solo la
Ecclesia; an
xtians.

(marcius?)
D. H. Heller.

hebr. e.
my. dif.

5 tatem in amore et mutuo adiutorio condendam. Cum totum humanum
genus ad imaginem Dei creatum sit, homo (p.15,30 ss.) homini
similis est, atque sine relationibus cum aliis nec vivere nec
suas dotes expandere potest; ita ut vita socialis () neces-
10 sario eius intimam naturam consequatur: commercio cum aliis,
mutuis officiis, colloquio cum fratribus () vocationi suae
respondet et seipsum quoad omnes suas dotes perficit. Ad si-
militudinem creatus Dei, qui caritas est (3), homo diligere
et sese libere pro aliis impendere potest et debet; eorum
autem personam laedere prohibetur, cum Dominus solemniter
declaraverit se ab homine sanguinem omnis hominis requisitu-
rum: "ad imaginem quippe Dei factus est homo" (Gen.9,6).

15 Deus, sicut iterum in sacra Pagina legimus, vidit "cuncta
quae fecerat, et erant valde bona" (Gen.1,31). Iuvat ex ipsa
experientia percurrere ista bona quae homo a Deo accepit qui-
busque uti debet ad Dei gloriam, fratrum adiutorium, et sui-
ipsius perfectionem.

20 12. (De corpore et anima). Corpore et anima unus, homo univer-
sas mundanas creaturas in se colligit et culmen vitae terre-
stris constituit. In corpore eius elementa mundi materialis
et cuncta quae super faciem terrae vita moventur, fastigium
suum attingunt, et ad liberam sui Creatoris laudem vocem at-
tollunt, in totius mundi symphonia, ore hominis proferenda (4).

25 Ita constitutus, homo non tantum cum hoc mundo conseritur
super quem virtute mentis agere valet, sed seipsum per corpus
exprinendo, () etiam cum aliis hominibus communionem et col-
loquium instituit. () Homo totus, omnibus viribus suis, tan-
spiritualibus quam corporalibus, ad laborandum non sine sudore,
ad gaudendum, sperandum et amandum destinatur, nec homo
30 esset si de carne et sanguine non participaret (5).

35 Vitam ergo corporalem homo despiciere non potest, sed e con-
tra corpus suum, utpote a Deo creatum et ultimo die ressusci-
tandum, bonum et honore dignum habere debet, tanquam ad suam
vocationem personalem intimo modo pertinens. Ipsa dignitas
eius postulat ut glorificet Deum in corpore suo (6) nec pra-
vis cordis sui inclinationibus ipsum inservire sinat.

(p.14,31ss) 40 Homo tamen non fallitur cum se superiorem rebus corporali-
bus agnoscit et () seipsum non tantum ut particulam naturae
aut anonymum elementum civitatis humanae considerat. Interio-
ritate enim sua universitatem rerum () excedit: ad haec
profunda redit, quando convertitur ad cor (7), ubi Deus cum // cf. h. h.
exspectat qui corda scrutatur (8) et ubi ipse sub oculis Dei
de propria sorte decernit. Itaque, cum animam spirituales et
45 immortalem in seipso recognoscit, non illuditur fallaci fig-
mento quod tantum physicas et sociales condiciones reflecteret,
sed e contra ipsam abyssalem realitatem attingit. Quod tan-
verum est ut nihil homini prodesset, si mundum universum lu-
craretur, sui ipsius vero detrimentum pateretur (9).

50 13. (De dignitate () intellectus humani). Recte iudicat ho-

55 mo se intellectu suo, divinae mentis speculo, universitatem
rerum superare, neque ad sola "phaenomena" () cognoscenda
coarctari. Intelligentiam suam per saecula impigre exercendo,
ipse in scientiis empiricis et artibus technicis profecit.
At sapientia inbutus, etiam artem technicam ad pleniori vitae
humanae inserviendum dirigat, qua practica navitate una cum

seruus
placet
forma
melioranda

parit "

meditatione veritatis ad contemplationem et fruitionem mirabilium Dei attingit. Ceterum, etsi hodierno tecnico progressu fraternum inter homines colloquium plurimum proficit, non in hoc campo tamen perficitur (), sed profundius in commu-
5 nione personarum et mutua reverentia erga plenam dignitatem spiritualem.

() Magis quam saecula anteacta, aetatis nostrae mundus altiori mente indiget ut humaniora reddantur quaecumque nova detegit; et si sapientiores quosdam homines non suscitatur, sors eius futura periclitatur. Quocirca plures nationes economicè pauperes, sed sapientia () ditiores, aliis eximum emolumentum praestare possunt.

14. (De dignitate conscientiae). In imo conscientiae () legem homo detegit, quam ipse sibi non dedit, sed cui obedire debet et cuius vox ita sonat: Fac hoc, illud evita. Nam legem in corde suo inscriptam habet quam eius dignitas adimplere iubet et secundum quam ipse iudicabitur (10). Huius legis lumine, quae in dilectione Dei et proximi impletur (11), christiani cum omnibus hominibus coniuncti, solutionem inquirent tot problematum moralium, quae tam in vita singulorum quam societatis oriuntur. Quae solutio nullius individui aut coetus arbitrio relinqui potest, siquidem normis et exigentis verae moralitatis conformari debet ().

15. (De praestantia libertatis). At nonnisi libere homo ad bonum se convertere potest. Libertatem quidem coevi nostri magni faciunt et ardentè prosequuntur; non raro tamen eam pravo modo fovent, tanquam licentiam sine freno quodcumque etiam malum faciendi dummodo delectet. Vera autem libertas, quae eximum est divinae imaginis in homine signum, eum capacem reddit sese ad Creatorem suum recte ordinandi. Dignitas enim hominis requirit ut secundum liberam et consciam electionem agat, personaliter ab intra motus et inductus, libenter scilicet et non sub mero impulsu externae motionis (). Talen dignitatem vere obtinet homo cum, sese ab omni prava captivitate liberans, finem suum in Boni libera electione prosequitur et apta subsidia efficaciter ac solerti industria sibi procurat. Personalitatem suam sic detegens, simul se affirmat esse sui iuris et iuris Dei. *Clarue: no il nimo plano.*

Deus enim ipse voluit hominem relinquere in manu consilii sui (12), ut homo eum sponte quaereret et libere ad plenam et beatam perfectionem ei adhaerendo perveniret. Istam personae humanae autonomiam tanti fecit Deus, ut praecepta sua renitenti non violenter obtruderet, sed suaviter proponeret, ei tamen officium per conscientiae vocem ostendendo et meritum sanciendo. Sic factus est homo capax sortem quam statuendi, actuum suorum () onus in se recipiens et de eis rationem Creatori et Iudici redditurus. Unusquisque ante tribunal Dei referre debet propria vitae suae prout gessit, sive bonum sive malum (13).

16. (De corruptione hominis per peccatum). Homo autem libertate ista abusus est, seipsum contra Deum erigendo et finem suum extra Deum attingere cupiendo. Hoc quod revelatio divina nobis patefecit, ex ipsa experientia innotescit. Nam homo cor suum inspiciens, se ad malum inclinatum comperit et in multi-

*Wiztyla: lib. agni
25 solo se et
vera terra dicit
su campo primi p
smlas creaturas.
Fernandez: lib. no
solo election, sicut
dominio schiastor.
30*

15

Umagh: 3 etapas: creata, caida, pado caido;
y redimido. 7. Pablo hable de su 2.º y 3.º 4 -

Carne: en I.E. habla del pecado pero junto al
triunfo de x'lo. de falsus.

Bodiny: es
pessimista.
5

plicibus malis demersum, quae a bono suo Creatore provenire non possunt. Deum tanquam principium suum agnoscere renuens, ordinem sui ipsius ad finem dirupit, simul ac totam ordinationem suam sive erga seipsum sive erga alios homines. Tenebris intellectus necnon debilitate voluntatis afficitur, corporis rebellionem experitur, mundi materialis quasi hostilitatem patitur in labore et aerumna, sodales non amplius ut fratres aspicit, sed potius ut extraneos vel etiam inimicos qui ei adversantur quibusque seipsum sentit contrarium.

10 Quod peius est, incapacem se comperit homo per seipsum tales mali impugnationes efficaciter debellandi. Non solum vires suae interiores debilitatae sunt, sed etiam ab exteriori (semper magis) ad malum invitatur (et compellitur). Corruptio enim adeo societatem et mundum pervasit, ut unusquisque ab exordio vitae suae sub tyrannide se (captivum inveniat), quasi (vinctum catenis) quibus Malum omnes et omnia imperio suo subiugare conatur.

15 Testante Apostolo, hae omnes perturbationes a rebellionem proveniunt, qua homo, suadente diabolo, Deo Principio et Fini omnium se subicere noluit. "Quia cum cognovissent Deum, non sicut Deum glorificaverunt... sed obscuratum est insipiens cor eorum, ... et servierunt creaturae potius quam Creatori" (Rom. 1, 21-25). Sic "alienati a vita Dei per ignorantiam... desperantes senetipsum tradiderunt... in operationem immunditiae omnis in avaritiam" (Eph. 4, 18-19). Tantae corruptionis ex "insidiis diaboli" provenire docet etiam Apostolus, qui monet certandum esse non tam "adversus carnem et sanguinem" quam "adversus mundi rectores tenebrarum harum" (Eph. 6, 11-12). Etenim "mundus totus in maligno positus est" (1 Jo. 5, 19); at ipse Dominus Iesus venit ut ediceret foras "Principem huius mundi" (Jo. 12, 31), qui homines in servitute peccati retinet (14).

20 17. (De morte devincenda). Inter signa excidii quae homo in seipso percipit, non minima certo sunt oppressio quasi continua doloris necnon certitudo mortis. Non tantum cruciatur progrediente dissolutione corporis, sed etiam magisque angitur timore perpetuae extinctionis. Recte enim iudicat instinctu cordis sui, quando totalem ruinam et definitivum exitium suae personae abhorret et respuit. Semen aeternitatis, quod () in se gerit, ad solam materiam irreductibile cum sit, contra mortem insurgit, ultra quam ipse vitam permanentem et felicem non attingeret. Omnia technicae artis molimina, licet utilissima, ad suam anxietatem sedandam insufficientiam esse comperit, cum prorogatio longaevitatis biologicae satisfacere non possit illo vitae ulterioris desiderio in intimo suo corde modo ineluctabili insito.

25 Dum coram morte omnis imaginatio deficit, Populus Dei tamen affirmat hominem pro beato fine, ultra terrestri miseriae limites, a Deo creatum esse. Revelatione divina decursu saeculorum paulatim edoctus, scit mortem per peccatum in mundum intrasse (15), denique tamen victum iri, cum homo in salutem culpa sua perditam restituetur ab omnipotenti et miserante Salvatore. Deus enim hominem vocavit et vocat ut sibi tota eius integra natura adhaereat in perpetua communione vitae divinae incorruptibilis. Quam victoriam ad vitam Christus resurgens adeptus est (16), hominem a morte per mortem suam liberando: communicavit enim carni et sanguini hominum, "ut

per mortem destrueret eum qui habebat mortis imperium, id est diabolus, et liberaret eos qui timore mortis per totam vitam obnoxii erant servituti" (Heb.2,14-15).

5

Fides igitur, cuicumque recogitanti homini cum solidis argumentis oblata, responsum offert eius anxietati de sorte futura; simulque ei facultatem praebet communicandi cum fratribus jam morte praereptis, quos dilexit et adhuc diligit, cum ei spem conferat eos veram vitam apud Deum adeptos esse.

10

18. (De formis et radicibus atheismi hodierni). Ad colloquium cum Deo jam inde ab ortu suo invitatur homo: non enim existit, nisi quia a Deo ex amore creatus, semper ab eo diligitur et non plene vivit, nisi amorem illum libere agnoscat et Creatori suo se committat. Multi tamen ex coaevis nostris, proh dolor!, hanc intimam ac vitalem cum Deo coniunctionem nullo modo percipiunt aut explicite reiiciunt. Qui atheismus inter gravissima huius temporis facta numerandus est, (praecipue quia saepe civilisationem ipsam permeat, ita ut multitudinem magnam hominum affectet).

15

20

Voce atheismi phaenomena inter se valde diversa designantur. Dum enim quidam Deum expresse negant, alii censent hominem nihil omnino de Eo asserere posse; alii vero problema Dei ideo tantum examini subiiciunt, ut ostendant ipsum sensu carere. Multi, limites scientiae indebite praetergredientes aut omnia sola scientifica ratione explicari contendunt, aut e contra nullam omnino veritatem absolutam iam admittunt. Alii quaestiones de Deo ne aggrediuntur quidem, quia ipsi inquietudinem religiosam non experiri videntur et non percipiunt cur in vita sua de religione curare debeant. Atheismus etiam non raro oritur sive ex violenta protestatione contra malum in mundo, sive ex eo quod quibusdam humanis bonis imprimitur character absolutus, qui non nisi Deo iure agnoscitur, ita ut pro Deo ea bona valeant. Civilisatio hodierna etiam, non ex sua natura, sed utpote nimis rebus terrestribus intricata, accessum ad Deum ^{saepe} difficiliorem reddit. (Etsi Deus solus de corde iudicare potest, tamen difficile est admittere hominem sine culpa per totam vitam in atheismo permanere).

25

Fernandez: "ingust." en 30 lug. de un al.

Wojtyla: se habla de al. cristif. sin hacer referencia a argum. cristif. de exist. cristif. ca.

35

Bednary: no es tan general.

Hubel: solo descrip. no juicio. No se puede hablar de su responsabilidad. No se hace en E XIII. ni es util; hablar a su conciencia.

40

Roi: no se identif. con X'tianos.

In multis casibus certe homines Deum a corde suo non sine culpa arcere et quaestiones religiosas devitare conantur. Atheismus complexive consideratus, non est factum primitivum, sed haberi debet etiam reactio critica contra religionem et quidem, quod mundum occidentalem spectat, praesertim contra religionem christianam. Quapropter in hac genesi atheismi non parva est responsabilitas credentium, quatenus, sive negligentia educationis fidei, sive sua praesentatione doctrinae, sive sua vita religiosa, morali ac sociali, genuinum vultum Dei et religionis potius velant quam revelant.

45

Atheismus modernus etiam formam systematicam saepe praebet, quae, praeter alias causas, legitimum optatum autonomiae hominis eo usque perducit ut contra qualemcumque a Deo dependentiam difficultatem suscitaret. Qui talem atheismum profitentur libertatem contendunt in eo esse quod homo sibi sit ipse finis, artifex et deniurgus propriae suae historiae: quod componi non potest cum affirmatione Domini qui est omnium rerum auctor et finis, vel saltem talem affirmationem plane superfluan reddit. Cui doctrinae favet hodie sensus potentiae quem progressus technicus homini confert.

50

Da libro: aqui co. misaje un juicio, el cual debe ser dep. de n. 18, en 19.

Kominet: hemm hallado benignamente, porque esperan que algo se dira al fin sobre la persecucion.

omnes praedictae veritates suum inveniunt fontem atque fastigium.

5 Qui est "imago Dei invisibilis" (Col.1,15) (17), Ipse est homo perfectus, qui Adae filios ad similitudinem divinam, inde a primo peccato deformatam, restituit. Cum in Eo natura humana, assumpta, non perempta sit (18), etiam in nobis ad sublimem dignitatem evecata est. Ipse enim, Filius Dei, incarnatione sua, Se cum omni homine quodammodo in unum coaluit. "Verbum caro factum est et habitavit in nobis" (Jo.1,14).
10 Humanis manibus opus fecit, humana mente cogitavit, humana voluntate egit (19), humano corde dilexit. Natus de Maria Virgine, vere unus ex nostris factus est, in omnibus nobis similis excepto peccato (20).

15 Agnus innocens, sanguine suo libere effuso, vitam nobis meruit in Ipsoque Deus nos reconciliavit Sibi et inter nos (21) et e servitute diaboli ac peccati nos eripuit, ita ut unusquisque nostrum cum Apostolo dicere possit: Filius Dei "dilexit me et tradidit Semetipsum pro me" (Gal.2,20). Pro nobis patiendo, exemplum reliquit ut sequamur vestigia eius (22); non tantum autem exemplum praebuit, sed viam instauravit quam sequendo dolor et mors hominis sanctificantur novum-
20 sensum accipiunt. Homini christiano remanet necessitas ac urget officium contra malum per multas tribulationes certandi necnon mortem patiendi, sed in societate passionum Christi, configuratus morti eius, ad resurrectionem occurret (23). Si compatimur, et conglorificabimur, ut docet Apostolus (24), existimans "quod non sunt condignae passionis huius temporis ad futuram gloriam quae revelabitur in nobis" (Rom.8,17)(25).
25

30 In Christo enim e mortuis resurgente, "Novus Homo secundum Deum creatus est in iustitia et sanctitate veritatis" (Eph. 4,24), quem induentes renovantur homines in agnitionem secundum inaginem eius (26) et recipiunt adoptione filiorum (27), conformes facti inaginis Filii cui est ipse primogenitus in multis fratribus (28). "Spiritus vivificantem" (1 Cor.15,45) accipiunt, quo capaces fiunt legem novam amoris adimplendi (29); per eum ut "pignus hereditatis" (Eph.1,14) totus homo interiorius restauratur, usque ad "redemptionem corporis" expectandan (Rom.8,23): "si Spiritus Eius qui suscitavit Iesum a mortuis habitat in vobis, qui suscitavit Iesum Christum a mortuis vivificabit et mortalia corpora vestra" (Rom.8,11)
35 (30). Quae restauratio hominis in tota sua natura, etiam corporali, fit per sacramenta fidei, praesertim per baptismum et eucharistian, quibus homo intine particeps redditur mysterii paschalis, Christi scilicet mortui, resuscitati et glorificati: "consepulti enim sumus cum Christo per baptismum in mortem, ut quomodo Christus surrexit a mortuis per gloriam Patris, ita et nos in novitate ambulemus" (Rom.6,4) (31).
40

45 Tale est et tam magnum mysterium hominis per Christum et in Christo recreati, quod per revelationem credentibus illucescit. Sane salus iam in Christo consummata, in unoquoque homine non perficitur nisi post propriam mortem et resurrectionem; quandiu enim peregrinamur in hoc mundo, cuius figura praeterit (32), adhuc remanemus impugnationibus peccati obnoxii, certamineque spiritus adversus carnem obstricti. Virtute tamen Christi, in quo radicatur et fundatur per fidem (33), homo christianus, dum quotidie moritur (34), jam vivit cum Christo (35), et in spe graditur ad perfectionem carita-

Granado: se trata aqui de excel.

no solo
est.

Colando:
antiguo

5 tis. Et non ille tantum, sed etiam omnis homo bonae voluntatis in cuius corde gratia Christi invisibili modo operatur: quia enim Christus pro omnibus mortuus est (36), credere debemus Spiritum cunctis possibilitatem offerre, ut, modo Ipse ^{operatur} cogni- (Butler) to, huic mysterio se consociet. In Christo itaque illuminatur aenigma doloris et mortis, quod extra Eius revelationem caligine nos obruit. Morte sua mortem destruxit vitamque nobis largitus est (37) ut filii in Filio, clamemus in Spiritu: Abba, Pater ! (38).

garra: ansioso: se pidieron muchas cosas y se ha enreñado. Pero no se respnde al estilo y se ha hecho + pesado, tecnico e impersonal. Se da libertad a redactores para est. unidad.

NOTAE Morales: es insuficiente para xtianos y no xtianos. Propone se adere la integra voc. de hombre, conf. al tex. anterior. En cap. II no hay conexión con vida futura y actividad temporal.

Castellano: el tx. presupone muchas cosas geneer. tos cristianos.

Donmilk: no era solo de palabras, sino de re. Pabloa Corintios dijo cosas + sublimes cum. no tener decir cosas altas.

- 1 Cf. Gen. 1, 26; Sap. 2, 23
- 2 Cf. Eccli. 17, 3-10
- 3 Cf. 1 Jo. 4, 8. 16
- 4 Cf. Dan. 3, 57-90
- 5 Cf. Heb. 2, 14
- 6 Cf. 1 Cor. 6, 13-20
- 7 Cf. Ps. 84, 9 in Vulgata
- 8 Cf. 1 Reg. 16, 7; Jer. 17, 10
- 9 Cf. Mt. 16, 26
- 10 Cf. Rom. 2, 15-16
- 11 Cf. Mt. 22, 37-40; Gal. 5, 14
- 12 Cf. Eccli. 15, 14
- 13 Cf. 2 Cor. 5, 10
- 14 Cf. Jo. 8, 34-44
- 15 Cf. Sap. 1, 13; 2, 23-24; Rom. 5, 21; 6, 23; Jac. 1, 15
- 16 Cf. 1 Cor. 15, 56-57
- 17 Cf. 2 Cor. 4, 4
- 18 Ut in textu impresso
- 19 - - - -
- 20 Cf. Heb. 4, 15
- 21 Cf. 2 Cor. 5, 18-19; Col. 1, 20. 22
- 22 Cf. 1 Pt. 2, 20
- 23 Cf. Phil. 3, 10
- 24 Cf. Rom. 8, 17
- 25 Cf. 2 Cor. 4, 17
- 26 Cf. Col. 3, 10
- 27 Cf. Gal. 4, 5
- 28 Cf. Rom. 8, 29
- 29 Cf. Rom. 8, 3 ss; Gal. 5, 13-14
- 30 Cf. 2 Cor. 4, 14
- 31 Cf. Col. 2, 12
- 32 Cf. 1 Cor. 7, 31
- 33 Cf. Col. 2, 7
- 34 Cf. 1 Cor. 15, 31
- 35 Cf. Gal. 2, 20
- 36 Cf. Rom. 8, 32
- 37 Cf. Liturgia paschalis byzantina
- 38 Cf. Rom. 8, 15 et Gal. 4, 6; cf. etiam Jo. 1, 12 et 1 Jo. 3, 1-2.

Relatio de textu emendato Capituli I

Titulus partis I secundum desiderium alicuius Patris mutatus est, quia in omnibus eius capitibus non tantum in primo, sermo est de vocatione hominis.

Prooemium (n.10) inseritur in Cap.I, ne duplex sit prooemium. Mutatus est solummodo in eo, quod servata substantia textus impressi, abbreviationes hoc signo () indicantur. Aliae mutationes magis latinum et claritatem textus respiciunt.

Caput I

Titulus mutatus est, quia de vocatione iam in titulo totius partis primae sermo est.

Novus textus huius capituli servat structuram textus prioris et, in quantum fieri potuit, etiam ipsum textum. Tamen sat multa mutata sunt ad satisfaciendum observationibus Patrum in Aula factis vel scripto datis. Textus videtur nunc magis "biblicus" et simul humanus esse.

N. 11 (De homine ad imaginem Dei). Introductio huius numeri ita formata est, ut variis opinionibus, quae de homine profertur, veritas fidei nostrae praesertim in S.Scriptura enuntiatae opponatur tamquam excellens, qua in revelatione simul infirmitates explanantur et dignitas humana agnoscitur.

Breviter hic ~~indoles socialis hominis ad imaginem Dei creati~~ enuntiatur, quia haec indoles ipsam personam determinat. E contra specialis numerus de indole sociali ex capite I eliminator est, quandoquidem speciale caput II de hac re agit.

N. 12 (De corpore et anima). Ad satisfaciendum desideriis plurium Patrum 'de anima' non in n.13, sed iam hic una cum corpore sermo fit. Sic melius evitatur species dualismi; unitas animae et corporis melius effertur et ostenditur dignitatem corporis humanae eo fundari, quod anima immortalis et spiritali informatur.

N. 13 (De dignitate intellectus humani). Hoc in numero exceptis variis abbreviationibus non multa mutata sunt. Similiter etiam in sequenti n.14.

N. 15 (De praestantia libertatis). Secundum desideria plurium Patrum in hoc numero conceptus libertatis melius a confusione liberatus est. De libertate filiorum Dei hic non iam sermo fit, quia est alterius generis quam libertas, de qua hic agitur. In libertate ipsa clarius distinguitur libertas a coactione externa a libertate interna psychica.

N. 16 (De corruptione hominis per peccatum). Antiquus numerus 16 (De sociali indole hominis) omissus est, quia totum caput II de hac re agit. Loco huius thematis numerus totaliter novus introductus est de peccato secundum desideria urgentia plurium Patrum. De peccato non tantum agitur, in quantum est realitas individualis, sed etiam, in quantum quodammodo obiectivatur in ordine sociali et in ipso mundo.

N. 17 (De morte devincenda). In hoc numero secundum desideria Patrum non tantum de morte, sed etiam de dolore sermo fit. Pauca abbreviata sunt, alia debuerunt addi, ut res magis biblica fieret et melius de Christo ut victore super mortem ageretur.

N. 18 et 19 (De atheismo). Textus sub-subcommissioni speciali commissus est, cuius membra erant Eminentissimi Domini Cardinales König et Seper, cuius periti erant PP. de Lubac et Daniélou. Cui sub-subcommissioni adiungebatur tria membra Secretariatus pro non-credentibus: Exc. Dom. Aufderbeck Hnilica et Kominek et periti PP. Miano et Girardi. Secretariatus paraverat textum, qui collatus est cum animadversionibus Patrum. Divisio in duabus par. manet, sed ad meliorem claritatem sequitur propositionem Emin. Card. König, ita ut in prima par. tractetur de formis et radicibus, in 2a par. de refutatione et remediis contra atheismum.

N. 18 (De formis et radicibus atheismi hodierni). Phrasis introductiva in priori textu videtur falso loco posita; propterea nunc hoc loco ponitur. Lin. 4-6 textus receptus pag. 16, lin. 33-35 cum levi mutatione; in lin. 6-7 habentur ex textu recepto pag. 17, lin. 16-17. Lin. 7-8 scd. desideria aliquorum Patrum adduntur ad sublineandum aspectum quantitativum atheismi hodierni.

2a alinea tractat de formis et radicibus atheismi, systematico excepto. Descriptio amplificata est secundum animadversiones Patrum, et melius ordinata.

3a alinea continet amplificatas lineas 6-9 paginae 17 textus antiqui. Agitur de culpabilitate, sive ex parte atheistarum, sive ex parte credentium. Secundus aspectus secundum desideria explicita multorum Patrum a Secretariatu pro non-credentibus praeparatus et hic introductus est.

4a alinea agit de atheismo humanistico et systematico et secundum animadversiones Patrum fusius explanata est.

5a alinea speciatim de atheismo marxistico agit. Utrum nominandus sit nonne an non, Patres in aula dissentierunt. Subcommissioni melius videbatur, quod non nominetur.

N. 19 (De habitudine Ecclesiae ad atheismum). Haec par. pro maxima parte nova est, scd. desideria multorum Patrum a Secretariatu paratus. Agitur primo de reprobatione atheismi (secundum textum priorem) et de necessitate causas eius deprehendendi. Si radix atheismi est voluntas hominis seipsum plene evolventi, responderi debet relationem ad Deum verum humanismum non impedire, e contra condicionem realizationis eius esse (2a alinea). Remedium essenziale contra atheismum est renovatio Ecclesiae (3a alinea). Ultimum alinea est textus prior deletis lineis 39-41, quia videntur ninis apologeticae.

N. 20 (De Christo Novo homine). Hic numerus partim retinet textum priorem sed magna ex parte mutatus est, ut melius ostendat, ea, de quibus in numeris praecedentibus sermo erat, in Christo culmen suum seu remedium habere; ut sit insuper magis biblicus. Forsan plures textus biblici per solam referentiam indicari possunt, ne textus ninis ampliatur.